

Proyecto panelnan solar riba daknan di school a inicia



Den su afan pa realisa su vision pa na 2020 Aruba ta independiente di energia fossiel, Gabinetenan Mike Eman a bay en busca di partnernan y hunto cu nan ta haciendo lo maximo pa logra e bunita meta aki. Cu partnernan di exterior y di aki mes a cuminsa cana cu pasonan firme riba caminda cu yama Vision 2020.

Esaki ta encera cu mester cana un caminda largo yena cu obstaculo. Pero obstaculo t'ey pa wordo surpasa

y esey ta loke ta haciendo. Kita problema di caminda pa na final cumpli cu e agenda berde di Gabinetenan Mike Eman. Aruba tin biento y solo na abundancia y banda di esaki e isla ta rondona pa lama cu olanan grandi. Fuentenan natural cu ta wordo ofrece gratis na nos y mester pone man na obra pa uza nan di e forma mas eficiente y sostenibel posibel. Aruba tin caba un parke di Molina di biento na Vader Piet, un parke solar na aeropuerto cu ta un di e mas grandinan den region, e planta EcoGas di 'waste to en-

ergy'. Mientrastanto tin hotel ta haciendo uzo caba di e olanan grandi di lama pa fria nan airconan. Banda di tur esaki tin proyectonan chikito y mediano andando riba nos isla. Hopi hende ta mas y mas consciente cu no por sigui haci uzo di petroleo fossiel cu no ta bon pa nos medio ambiente y pa haci mas tanto uzo di loke naturalesa ta ofrece nos.

Un proyecto grandi cu a caba di inicia ta instalacion di panelnan solar riba daknan di varios scol na Aruba y ocho



edificio di gobierno. No ta tur dak ta adecuado pa e instalacionnan aki. E daknan di e scol y edificionan aki a keda aproba y mesora WEB NV a start cu e trabounan, esaki den cooperacion cu ELMAR NV y Gobierno. E prome scol cu ta hayando panelnan solar ta scol basico Kudawecha. Ya trabounan ta avansando, pero pa motibo cu no por traha den oranan regular pa motibo cu ta duna les, e trabounan ta tuma luga den oranan di atardi y den weekend. Esaki ta haci cu e proyecto ta dura un poco mas cu a anticipa. Despues di scol Kudawecha ta sigui pa Filomena College MAVO na San Nicolas. Ora nan keda cla ta sigui cu e siguiente scolnan cu a bin na

remarca. Diferente edificio di gobierno tambe ta bay haya panelnan solar. MFA Noord ta e prome edificio di gobierno cu su energia ta wordo 100% genera door di e panelnan solar.

Cocolishi 60% y poco poco demas edificionan ta sigui. Banda di esaki tin hopi cas na Aruba cu tambe ta instalando panelnan solar riba nan daknan cu ta algo di aplaudi. Aruba ta e ehempel den mundo riba tereno di sostenibilidad. Vision 2020 ta canando e caminda berde, surpasando barera, kitando obstaculo di caminda y di e forma aki lo-grando e meta final di ta independiente di energia fossiel na 2020. □